



## Láhkaásahus dearvvašvuodábálvalusaid vuoruheami birra ja vuoigatvuoda birra dearvvašvuodaveahkkái

FOR 2000-12-01 nr 1208: Forskrift om prioritering

### SISDOALLU

Láhkaásahus dearvvašvuodábálvalusaid vuoruheami birra ja vuoigatvuoda birra dearvvašvuodaveahkkái.

- § 1. Divššohasvuoigatvuođalága 2. kapihttala doaibmaguovlu
- § 2. Vuoigatvuohta dárbbášlaš dearvvašvuodaveahkkái
- § 3. Áigemearmi dárbbášlaš dearvvašvuodaveahkkái
- § 4. Dán láhkaásahusa rievdadeapmi
- § 5. Gaskaboddasaš njuolggadusat
- § 6. Fápmuibohtin

Láhkaásahus dearvvašvuodábálvalusaid vuoruheami birra ja vuoigatvuoda birra dearvvašvuodaveahkkái.

Mearriduvvon juovlamánu 1. b. 2000 gonagaslaš resolušvonnain vuođđuvvon geassemánu 2. b. 1999 nr 63 láhkii divššohasvuoigatvuođaid birra § 1-2 vuosttas lađđasis ja § 2-1 viđát lađđasis. Sosiála- ja dearvvašvuodadepartemeanta ovddidan. Rievdaduvvon juovlamánu 18. b. 2001 nr 1557.

§ 1. Divššohasvuoigatvuođalága 2. kapihttala doaibmaguovlu.

Divššohasvuoigatvuođalága 2. kapihtal earret § 2-1 vuosttas lađđasa, gusto dušše olbmuid, geain juogo lea bistevaš ásodat dahje orohat riikkas, geat leat álbmotoadjolahtun doarjjavuoigatvuođain dearvvašvuodábálvalusaid oktavuodas dahje geain lea vuoigatvuohta dearvvašvuodábálvalussii gaskaneas šiehtadusa vuođul eará riikkain (šiehtadusdivššohasat).

§ 2. Vuoigatvuohta dárbbášlaš dearvvašvuodaveahkkái

Divššohas lea vuoigatvuohta dárbbášlaš dearvvašvuodaveahkkái spesialistadearvvašvuodábálvalusas divššohasvuoigatvuođalága § 2-1 nuppi lađđasa vuođul, go:

1. divššohas lea vassis prognosaváidun eallinguhkkodaga dáfus dahje su eallindási njiedjan ii leat mearkkašmeahtun jus dearvvašvuodaveahkki manjiduvvo ja
2. lea vuordimis ahte divššohas sáhtta ávkástallat dearvvašvuodavehkiin ja
3. vurdojuvvon golut dávistit govttolaččat doaibmabiju beaktivuhtii.

Dat ahte eallindási njiedjan ii leat mearkkašmeahtun, mearkkaša dan ahte divššohasa eallindási njiedjá mearkkašahhti lágiin divššu haga bákčasa dahje givssi geažil, váttisvuođaid geažil dakkár eallineaktosaš eallindoaimmaid oktavuodas nugo ovdamearkka dihtii biebmávkástallama, dahje njiedjan fysihkalaš dahje psykihkalaš doaibmadási geažil.

Dat ahte divššohas vuordimis sáhtta ávkástallat dearvvašvuodavehkiin, mearkkaša dan ahte lea bures duodástuvvon ahte árjjalaš medisiinnalaš dikšu sáhtta guhkidit divššohasa eallima dahje buoridit su eallindási vassis áigái, dan ahte dilli sáhtta vearránit divššu haga dahje dan ahte dikšunvejolašvuođat bálkásit divššu manjideimiin.

§ 3. Áigemearmi dárbbášlaš dearvvašvuodaveahkkái

Divššohasain, geat ollašuttet 2. § eavttuid, lea vuoigatvuohta dearvvašvuodaveahkkái dan áigodagas, maid medisiinnalaš dohkálašvuohta gáibida.

Divššohasa ássanguovllu guovlluguovdasaš dearvvašvuodafitnodat galgá bearráigeahččat ahte divššohasat, geain lea vuoigatvuohta dárbbášlaš dearvvašvuodaveahkkái dán láhkaásahusa 2. § vuođul, ožžot dearvvašvuodaveahkkefálaldaga spesialistadearvvašvuodábálvalusas vuosttas

laddasa áigemearis. Dát gusto dušše riikka almmolaččat ruhtaduvvon ásahussii dahje eará bálvleaddjái, geainna guovlluguovdasaš dearvvašvuodafitnodat lea šiehtadan addit dakkár dearvvašvuodaveahki.

Rievdaduvvon juovlamánu 18. b. 2001 lálkaásahusain nr 1557 (fápmuibohtán ođđajagimánu 1. b. 2002).

§ 4. Dán lálkaásahusa rievdateapmi

Dán lálkaásahusa sáhtta departemeanta rievdadit.

§ 5. Lálkaásahus ii gusto divššohasaide, geat leat ožžon vuordináigedáhkádusa geassemánu 27. b. 1997 lálkaásahusa nr 654 vuodul vuordináigedáhkádusa birra ovdal divššohasvuogiatvuodálága fápmuibohtima. Dáidda divššohasaide gustojit ain geassemánu 27. b. 1997 lálkaásahusa nr 654 mearrádušat vuordináigedáhkádusa birra.

§ 6. Fápmuibohtin

Lálkaásahus bohtá fápmui ođđajagimánu 1. b. 2001. Seammás fámuhuvvá geassemánu 27. b. 1997 lálkaásahus nr 654 vuordináigedáhkádusa birra.

Tips en venn!



Utskriftsvennlig side

[webredaktor@shdir.no](mailto:webredaktor@shdir.no) (redaksjonelle spørsmål og tips) [webmaster@shdir.no](mailto:webmaster@shdir.no) (teknisk støtte)